

古今圖書集成

中国学术类编

神异典
上
(二)

欽定古今圖書集成博物彙編神異典

第三十五卷目錄

先農之神部彙考二

詩經

禮記

史記

風俗通

雜色獨斷

先農之神部藝文一

祀先農文

青苗神

祀先農文

先農之神部藝文二

祀先農迎送神歌

先農歌或夏

享先農樂章

又

先農之神部彙錄

先農之神部彙考一

周禮

漢書

後漢

晉書

宋書

北齊書

北周書

隋書

唐書

宋書

明書

先農之神部彙考二

宋史

通鑑

先農之神部彙考

三才圖會

韻略

先農之神部藝文一

祀先農文

先農之神部藝文二

享先農樂章

祭先農樂章

先農之神部彙錄

秦書

漢書

北齊書

隋書

唐書

遼書

宋書

明書

旗幟之神部彙考二

詩經

禮記

周禮

山海經

史記

晉書

春明夢餘錄

旗幟之神部藝文一

祭旗文

馬牙文

旗幟之神部藝文二

旗幟

旗幟之神部彙考

旗幟之神部彙錄

旗幟之神部外編

瘟疫之神部彙考一

周禮

後漢書

北齊書

隋書

唐書

瘟疫之神部彙考二

禮記

史記

瘟疫之神部藝文一

大疫上疏

說疫氣

後漢張衡

魏曹植

唐子昂

唐孫奭及

明高啓

神異典

博物彙編神異典第三十五卷先農之神部

第四九二冊之一五卷

逐伯強文

宋劉敞

瘟疫之神部藝文二

諸葛亮

唐韓愈

紅歌行

孟郊

臘月郡田樂府并序

朱范成大

時儼

元吳萊

瘟疫之神部選句

瘟疫之神部紀事

瘟疫之神部雜錄

神異典第三十五卷

先農之神部彙考二

詩經

小雅甫田

琴瑟擊鼓以御田祖

田祖先農也郊特牲注云先農若神農春官

簫章注云田祖始耕田者謂神農是一也以祖者

始也始教造田謂之田祖先為稼穡謂之先農神

其農業謂之神農名殊而實同也以神農始造田

謂之田祖而後稷亦有田功又有事於算可以及

卑則祭田祖之時後稷亦食焉后土則五穀所生

本云勾龍能平之則勾龍亦在祭中而簫章云以

樂田畯尚及典田之大夫明樂后土后稷矣言此

田祖其文得兼有后土后稷而可徒言田主則其

文不得兼神農何則彼云設其社稷之通而樹之

田主則田主惟社稷不得有神農故鄭惟云后土

田正其言不及神農是其意也

大田

去其螟螣及其蠡賊無害我田穡田祖有神秉畀炎

火

禮記

郊特牲

蜡之祭也主先農而祭司農也祭百種以報畀也

先農若神農者司農后稷是也司農上古后

稷之官百種司百穀之種之神也大馬氏曰先農

者其智足以勸物立於其先司農者因其成法而

謹司其職而已故祭以先農為主而以司農配之

饗農及郵表畯畯獸仁之至義之盡也

農古之田畯有功於民者郵者郵亭之舍也標

表田畔相連畯處造為郵舍田畯居之以督耕者

故謂之郵表畯

史記補

三皇本紀

炎帝神農氏斷木為耜採木為耒耒耨之用以教萬

人始教耕故號神農氏

風俗通

先農

謹按春秋左氏傳曰夏四月三十郊不從乃免牲孟

獻子曰吾乃今而知有土簋夫郊祀后稷以祈農事

也是故啓釐而郊郊而後耕今改耕而卜郊宜其不

從也周四月今二月也先農之時也孝文帝二年正

月詔曰農者天下之本其開精田服躬帥耕以給宗

廟案盛今民間名曰田官

蔡邕獨斷

先農

先農者蓋神農之神神農作耒耜教民耕農至少昊

之世置九農之官

先農之神部藝文一

祝先農文

神農

唐王仲丘

維某年歲次月朔日子開元神武皇帝某敢昭告於

帝神農氏獻春伊始東作方興率由典則恭事千畝

謹以制幣增齊菜盛庶品肅備常祀陳其明薦以后

稷氏配神作主尚饗

后稷

維某年歲次月朔日子開元神武皇帝某敢昭告於

后稷氏土膏脉起爰修耕藉用薦常祀於帝神農氏

惟神功協稼穡實允昭配謹以制幣增齊菜盛庶品

式陳明薦作主尚神尚饗

青苗神

元沈貞

兩旗兮分張舞輕風兮悠揚神之司兮我疆原田每

每兮止我青秧不損不萎兮無好無妨時雨兮時暘

俾百穀兮登場維神兮降康報之兮看蒸臘羊

祀先農文

明太祖

洪武元年正月十七日告祭於先農之神惟神生於

天地開闢之初創出器別嘉祥以崇其慶事古今億兆非此不生永萬世教帝王與祀不敢忘曰天下亂集兵保民者一紀於茲荷天眷佑海內一家臨御稱尊紀綱聚應典崇祀神載策書今東作方典禮宜告祭暨命太常寺祭壇於京城之陽躬率百司詣壇展饗備神明造化萬世如新異於太古之南賓初生之業為民立命昭祀無疆藉以制幣陳齊永盛庶品肅備常儀陳其名焉以神作主尚鑒

先農之神部藝文二

祀先農迎送神歌

梁江淹

羽翬從動金駕時遊敬騰義燒樂繼前修率先丹精躬親錄時聖之聖之歲股澤柔

先農歌誠夏

隋牛弘

農祥農斯土膏初起春原傲載南壇致祀傲輝長阡遐旌外建房俎飾薦山鼎沈浮親事朱茲躬持簠和恭神肅精受肅降祉

李先農樂章

舊唐書

樂志曰貞觀中李先農樂

咸和

粒食伊始農之所先古今攸極是曰人天耕斯帝藉播厥公田式崇明祀神其福焉

肅和

轉舞既列朝璽方薦款工載登幣禮斯實肅肅享祀順順稟并神之慶之福流茲嘉

舒和

羽奮低昂文綴已千成路騰武行初望旋祈農神所

總纂許介福呈云奏

李先農樂章

同前

樂志曰太樂舊有李先農送神樂章不詳所起

咸和

三推禮就萬歲祈報黃帝志以農為惟典降獻肅焉雲所獻肅送神有樂神其上昇

先農之神部雜錄

春明夢餘錄大始典稱田州為始終而本朝惟於此闕焉應請當東作方典之始既舉藉田之禮以祀先農而以帥先農民與其務本之心則百穀告成之後就舉大蜡之禮以報先農於冬而以勞來農民報其勤勩之苦惜未行

先農之神部樂考一

周

周制王后以中春帥命婦享先蠶于北郊

按周禮天官內宰中春詔后帥外內命婦始蠶于北郊以為祭服

按晉書禮志周禮王后帥外內命婦享先蠶于北郊

漢

漢制皇后親桑東郊祭蠶神

按晉書禮志漢儀皇后親桑東郊苑中蠶室祭蠶神

口苑處婦人寓氏公主祠用少牢

後漢

明帝永平二年皇后帥命婦祭先蠶

按後漢書明帝本紀不載按禮儀志永平二年三月皇后帥公卿諸侯夫人詣祠先蠶禮以少牢

漢書儀曰今蠶神曰苑處婦人寓氏公主凡二神

晉

武帝太康六年詔以明年立先蠶壇祠以太牢

按晉書武帝本紀不載按禮志太康六年詔置禮明年施行於是蠶於西郊先蠶壇在晉室西南擇吉日皇后公主三夫人九嬪世婦諸太妃太夫人及縣鄉君郡公侯特進夫人外世婦命婦皆步搖衣青各戴金鈿從蠶先桑二日置宮生蠶著薄上桑日皇后未至太視令贊明以一太牢告祠

宋

宋武帝大明四年設先蠶光祿又立蠶觀

按宋書孝武帝本紀大明三年冬十月詔來歲使六官妃嬪修蠶之禮四年二月甲申皇后親桑於西郊

按隋書禮儀志大明四年始於臺城西白石里為先蠶設兆城置大殿七間又立蠶觀自是有其禮

北齊

北齊置先蠶壇使公卿祀先蠶黃帝軒轅氏

按隋書禮儀志後齊置先蠶壇於桑壇東南每歲季春穀雨後吉日使公卿以一太牢祀先蠶黃帝軒轅氏於壇上無配祀先農禮

北周

北周皇后率命婦祭先靈西陵氏

按隋書禮儀志後周制皇后乘輦率三妃三嬪御煖御婉三公夫人三孤內子至靈所以一太牢親祭進奠先靈西陵氏神禮畢降壇昭化城亞獻淑慎終獻因以公桑焉

隋

隋制以季春上巳皇后率命婦祭先靈
按隋書禮儀志隋制於宮北三里為壇高四尺季春上巳皇后服朝衣乘重翟率三夫人九嬪內外命婦以一太牢制幣祭先靈於壇上

唐

太宗貞觀元年皇后親饗先靈

按唐書太宗本紀貞觀元年三月癸巳皇后親饗

按禮志皇后季春吉已享先靈遂以親桑

高宗永徽三年詔以先靈為中祀

按唐書高宗本紀不載 按會要永徽三年三月七日以先靈為中祠后不祭則皇帝遣有司奉之如先

唐

元宗先天二年三月辛卯皇后親祠先靈

按唐書元宗本紀不載 按會要云云

宋

真宗景德三年詔遣官祭先靈

按宋史真宗本紀不載 按禮志先靈之禮久廢真宗從王欽若請詔有司檢討故事以開按開寶通禮

季春吉已享先靈於公桑而享五日諸嬪享官散齋

三日致齋二日辛日未明五刻設先靈氏神坐於壇

上北方南向尚宮初獻尚儀亞獻尚食終獻女相引

三獻之禮女祝頌文飲福受胙如常儀又按唐會要

皇帝遣有司率先靈如先靈可也乃詔自今依先農

側建官攝事禮院又言周禮置於北郊以純陰也漢

置於東郊以春桑生也諸約附故事築壇東郊從桑

生之義壇高五尺方二丈四陞陞各五尺一壝二十

五步祀禮如中祠

神宗元豐四年定於北郊為壇祀先靈

按宋史神宗本紀元豐四年九月詳定郊廟奉祀禮

文 按禮志元豐詳定所言季春吉已享先靈氏唐

月令注以先靈為天駟按先靈之義當是始置之人

與先農先牧先炊一也開元享禮為瘞坎於壇之壬

地而郊祀錄載先靈祀文有擊與鼗之語禮儀羅

又以季先靈無燔柴之儀則先靈非天駟星明矣今

請就北郊為壇不設燎壇但瘞埋以祭餘如故事

徽宗政和元年詔以黑幣享先靈

按宋史徽宗本紀不載 按禮志政和禮局言周官

內宰詔后帥內外命婦置於北郊郭氏謂婦人以純

陰為尊則置為陰事可知開元禮享先靈幣以黑蓋

以陰祀之禮祀之也諸用黑幣以合至陰之義詔從

其議作成神元年

按宋史高宗本紀紹興七年五月壬申命禮官奉農

蠶風甫雨師之祀 按禮志紹興七年始以季春吉

已日享先靈視風師之儀

孝宗乾道 年升先靈為中祀

按宋史孝宗本紀不載 按禮志云云

明

世宗嘉靖九年建先靈壇祀先靈

按明會典嘉靖九年初建先靈壇於北郊以歲春擇

日皇后躬祀先靈行親蠶禮

嘉靖十年建先靈壇於內苑皇后以仲春致祭

按春明夢餘錄嘉靖十年召張孚敬李時讀西苑相

地建土穀壇并建先靈壇於仁壽宮側毀北郊靈壇

其禮以歲仲春擇日皇后祭用少牢禮三獻公主內

外命婦陪祭

宋史

先靈之神部彙考一

天文志

扶筵七星為盛桑之尋主勸蠶也一日供奉后與夫

人之親蠶明吉暗凶移徙則女工失業雋星犯將叛

流星犯絲緯大賁

通鑑前編

先靈

西陵氏之女嫫祖黃帝元妃始教民育蠶治絲繭以

供衣服而天下無缺珠之患後世祀為先靈

先靈之神部總論

三才圖會

靈馬同氣

靈神天驕也天文辰為龍驤辰生又與馬同氣謂天
驕即靈神也淮南王覽經云黃帝元妃西陵氏始
至漢祀宛廬婦人高氏公主蜀有靈女馬頭娘此歷
代所祭不同然天驕為靈精元妃西陵氏為先靈實
為要典若夫漢祭宛廬婦人高氏公主蜀有靈女馬
頭娘又有謂三娘為靈母者此皆後世之溢典也然
古今所傳立像而祭不可遺闕故併附之

靈馬同氣

唐乘異集載蜀中寺觀多塑女人披馬皮謂馬頭娘
以祈豐稔神記載女思父語所養馬若得父歸吾將
嫁汝馬迎得父見女輒怒父殺馬曝皮於地中皮忽
卷女飛去乘間俱為靈俗謂靈神為馬明菩薩以此
然則靈馬實禁原靈注天文辰為馬質書曰靈為龍
精月值大火靈馬同氣物不能兩大禁再靈者為傷

馬首祀先靈與馬同祖亦未可知

先靈之神部藝文一

祀先靈文

明會典

維嘉靖九年月日皇后致祭於先靈氏之神曰維神
肇興靈織衣我蒸民萬世永賴時維季春躬行采桑
禮仰冀默垂庇佑相茲嘉事率土大同惟神之休敬
以牲帛醴齊之儀用申祭告尚享

先靈之神部藝文二

享先靈樂章

舊唐書

樂志曰顯慶中皇后親蠶內出享先靈樂章

永和

芳春開令序韶苑暢和風惟靈申廣祐利物表神功
綺繡周天宇黼黻藻畫中庶幾承虔節歡奠下帷宮

肅和

明靈光至德深功掩百神祥源應節啟福緒逐年新
萬宇承恩禮七廟行恭禮於茲申至懇方期遠慶珠

博物彙編神異典第三十五卷先靈之神部

展敬

霞莊列寶衛雲集動和聲金厄萬緒席玉幣幸芳庭
因心馨丹款先已勵蒼生所冀延明福於茲享至誠

祭誠

桂筵開玉俎蘭闥萬瓊芳八音調鳳曆三獻奉鸞觴
絮案申大享庭高真降祥神其有慶契福永無疆

昭虔

仙壇禮既畢神駕儼將昇竹屨深祥起方期庶幾凝
虔誠黃宇內務本助祭蒸靈心昭備率率土洽休徵

祭先靈樂章

明會典

迎神

於穆惟神肇啓靈桑衣我萬民保我家邦茲舉曠儀
春日載陽恭迎夜取靈氣洋洋

奠帛

神其降只有必有芬乃獻玉盞乃奠文練仰祈昭鑒
淑氣氤氳顯茲靈婦神如雲

亞獻

載舉清觴靈祀孔明以格以饗鼓瑟吹笙陰教用彰
坤儀允貞神之聽之鑒此禮誠

終獻

神之格思桑土是宜三纓七轡惟此蘭絲獻禮有終
神不我遺錫我純服藻繪皇儀

徹饌

俎豆具撤式禮莫愆既匡既勅我祀孔虔我思古人
萬單惟賢明靈歆哉只承願桑阡

送神

神之升矣日齊夜蒸相此女紅杆軸共興茲返元宮

雲鳳翔騰瞻望弗及永錫嘉徵

先賢之神部紀事

齊諸記吳縣張成夜起忽見一婦人立於宅上南角舉手招成成即就之婦人曰此地是君家靈室我即此地之神明年正月半宜作白粥泛青於上祭我也必當令君靈桑百倍言絕失之成如言作青粥自此後大得靈

旗黨之神部彙考一

祭

始皇二十八年祠蚩尤

按史記秦始皇本紀不載 按封禪書始皇東遊海上行禮祠名山大川及八神八神三日兵主祠蚩尤蚩尤在東平陸監鄉齊之西境也 按本紀始皇二十八年 漢

高祖 年立蚩尤祠于長安 按漢書高祖本紀高祖立為沛公祠黃帝祭蚩尤于

沛廷而置鼓

按史記封禪書高祖初起復沛為沛公則祠蚩尤置鼓旗後天下已定令祝官立蚩尤之祠於長安

武帝 年告祝秦一建靈旗為兵致勝

按史記漢武帝本紀為伐南粵告祝秦一以牡荆畫幡日月北斗登龍以象天一三星為泰一鋒名曰靈旗為兵繡則太史奉以指所伐國

北齊

北齊天子親征建牙旗于壇以太牢致祭

按隋書禮儀志後齊天子親征上日建牙旗於壇祭以太牢將屆戰所卜剛日備元牲列軍容設樂於辰地為壇而薦祭大司馬其矢有司糞毛血樂奏大護之音禮畢徹牲柴燎

隋

高祖開皇二十年晉王廣北伐祭軒轅

按隋書高祖本紀不載 按禮儀志開皇二十年太尉王廣北伐突厥四月己未次於河上薦祭軒轅黃帝以太牢制幣陳甲兵行三獻之禮

煬帝大業七年征遼東為壇祀黃帝行禱祭

按隋書煬帝本紀不載 按禮儀志云云

唐

唐制皇帝親征則祀軒轅氏

按唐書禮樂志皇帝親征薦於所征之地則為壇再重以熊席祀軒轅氏兵部建兩旗於外壇南門之外陳甲冑弓矢於神位之側植稻於其後尊以犧象山疊各二饌以特牲皇帝服武弁羣臣戎服三獻其按神者皆如常祀瘞而不燎

遼

景宗乾亨二年祠兵神祭旗鼓

按遼史景宗本紀乾亨二年冬十月辛未朔命巫者祠天地及兵神辛巳將南伐祭旗鼓

聖宗統和六年九月癸卯祭旗鼓

按遼史聖宗本紀云云

宋

太宗太平興國五年車駕北征遣官祭蚩尤

按宋史太宗本紀不載 按禮志太平興國五年十一月車駕北征前一日遣官祭蚩尤薦帝於北郊用少牢仍遣內侍一人監祭

明

太祖洪武元年詔定出師薦祭旗鼓每歲秋冬遣官致祭

按明會典洪武元年詔定親征遣將諸禮儀以為古天子親征則類於上帝造於祖宜於社薦於所征之地祭所過山川若遣將出師亦告於廟社薦祭旗鼓而後行今牙旗六纛藏之內府其廟在山川壇每歲仲秋祭山川日遣官祭於旗纛廟降日又祭於教場至歲暮享太廟日又祭於承天門外俱旗手衛指揮行禮

成祖永樂六年定北狩儀注車駕將發祭旗纛

按明會典云云

永樂八年遣官祭告旗纛之神

按大政紀永樂八年二月以親征薦於承天門遣官祭太歲旗纛等神八月丁未遣官祭旗纛十一月甲戌帝還京遣官祭告天地宗廟社稷孝陵承天門及

京都祀典旗幟諸神

水樂 年建旗幟廟於太歲殿之東

按春明夢餘錄旗幟廟建於太歲殿之東水樂建規制如南京神曰旗頭大將曰六歲大神曰五方旗神曰主宰戰船之神曰金鼓角鈸砲之神曰弓弩飛鎗飛石之神曰陣前陣後神祇五猖等衆皆南向世宗嘉靖十八年南巡遣官祭旗幟之神

按明會典云云

旗幟之神部彙考二

詩經

大雅皇矣

是賴是禱

是賴是禱 類將出師祭上帝也禱至所征之地而祭始造軍法者謂黃帝及蚩尤也

禮記

王制

天子將出征類乎上帝宜乎社造乎禱禱於所征之地

禱師祭也爲兵禱其禮亦亡 正義曰謂之禱者按肆師注云貊讀如十百之百爲師祭造軍法者禱氣勢之增倍也其神蓋蚩尤或曰黃帝

爾雅 祭名 是賴是禱師祭也

是賴是禱師祭也 禱之所祭其神不明肆師云凡四時之田獵祭表貉則爲位注云貉師祭也於立表處爲師祭祭

造軍法者禱氣勢之增倍也其神蓋蚩尤或曰黃帝又句祀掌四時之田表貉之祝號杜子春云貉

兵祭也田以講武治兵故有兵祭習兵之禮故貉祭禱氣勢之十百而多獲由此二注言之則禱祭造兵爲軍法者爲表以祭之禱周禮作貉祭又或爲貊字古今之異也祭之言百祭祀此神求獲百倍

山海經

大荒北經

蚩尤作兵伐黃帝黃帝乃令應龍攻之冀州之野應龍畜水蚩尤請風伯雨師縱大風雨黃帝乃下天女曰魃雨止遂殺蚩尤

史記

五帝本紀

黃帝者少典之子蚩尤作亂不用帝命于是黃帝乃徵師諸侯與蚩尤戰于涿鹿之野遂禽殺蚩尤

蚩尤家在東平郡壽張縣開鄉城中高七丈民常十月祀之有赤氣出如匹絳帛民名爲蚩尤旗

天官書

蚩尤之旗類彗而後曲象旗見則王者征伐四方

孟康曰災惑之精也晉灼曰呂氏春秋曰其色黃上下曰

晉書

天文志

蚩尤旗類彗而後曲象旗或曰赤雲獨見或曰其色黃上下白或曰若楓槎而長名曰蚩尤之旗或曰如箕可長二丈未有星主伐柱道主惑亂所見之方下

有兵兵大起不然有喪也 春明夢餘錄

旗幟

旗謂牙旗黃帝出軍訣曰牙旗者將軍之精一軍之形凡始登牙必祭以剛日祭牙之日吉氣未應大勝之徵盡謂旗頭也太白陰經曰大將軍中營建之天子六軍故用六幕以旄牛尾爲之在左駢馬首奉置頭騎以先驅漢武帝置畫旗爲兵時則太史率以指所伐國孫權作黃龍火牙旗後齊天子親征建牙旗唐宋及元皆有旗幟之祭

旗幟之神部藝文一

祭露文

唐獨孤及

年月日都統江淮之南節度觀察處置等使戶部尚書李恒謹以少牢之奠敬告於六幕之神天地無私神明無親惟德是與若響之答敢有衆恭恭滔天構釁稱亂國有明神其捨諸賊劉展假寵多難敢包狠心竊發毒將數雪于我上下神祇使東溟揚波羣動昏聩皇帝震怒按劍授鉞令我上將底天之伐於是虎牙鷹揚之臣蛇矛犀渠之羣橫行而東我伐用

古今圖書集成

張月羽雲旗以先啓行方將歷海陽下南陵收京口
掃建業新象貌以靈鼓付鯨鯢爲京觀俾萬里浪破
三象羣聊令以令月吉日靈駕卽路是用微屬於爾
有神惟神降衷尚鑑予志敢告無旗無旗無旗無旗
轉無旗車命五將獲野萬靈並戰今天地氛祲望風
掃除魑魅魍魎罔不率俾其我放逐爲神祇羞

馬牙文

陳子昂

萬歲通天二年三月朔清邊道大總管建安郡王某
敢以牲牢告軍牙之神蓋先王作兵以討有罪蓋惡
竊命戎夷不贊則必肆諸市朝大戮原野我皇周子
育萬國寵綬百禩雲千呂白環入貢久有年矣契
丹凶羯敢亂天常乃蜂聚丸山不食遼塞晏安燭毒
作爲機槍天厭其凶國用致討皇帝命我肅將王誅
今大軍已集吉辰叶應旄頭首建羽旆前列夷貊威
集將士聽誓方俟天休命爲人殄災唯爾有神尚殲
乃醜召太一會雷公異白虎乘青龍星流箕掃末清
朔裔使兵不血刃戎夏大同以昭我天子之德允神
之功豈非正直克明故無縱世儲以作神羞急愈如
律令

旗靈之神部藝文二

明高啓

旗靈
髮亂野牛驚神專大將營師行當禱祭壇下數番生

旗靈之神部選句

後漢張衡駁關公疏凡議皆云黃帝伐蚩尤而詩讚
獨以爲蚩尤敗然後堯受命又過天大衆賦浮天護
而鋒劍列蚩尤而耀旗又伊土宿之播靈爲旗星而
耀質又西京賦蚩尤秉鉞奮靈被般
陳沈炯歸魂賦掃機槍之星斬蚩尤之旂
明薛惠詩蚩尤蒼黃化石斷

旗靈之神部紀事

述異記太原村落間祭蚩尤神不用牛頭今冀州有
蚩尤川卽涿鹿之野漢武時太原有蚩尤神畫見龜
足蛇首首疫其俗遂爲立祠

旗靈之神部錄

鼠璞唐百官志節度使薛日賜雙旌雙節行則建節
立六幕入境築節樓迎以鼓角本朝有六幕旌節門
旗二受賜藏之公宇私室號節堂朔望次日祭之號
節日並有旌節則有神祀今節鎮重此祠旌堂衙禮
府矣

旗靈之神部外編

述異記軒轅之初立也有蚩尤氏兄弟七十二人銅
頭鐵額食鐵石軒轅誅之於涿鹿之野蚩尤能作雲
霧涿鹿今在冀州有蚩尤神俗云人身牛蹄四目六
手今冀州人掘地得銅像如銅鐵者卽蚩尤之骨也
今有蚩尤齒長二寸堅不可碎秦漢間說蚩尤氏耳
聾如銅鼓頭有角與軒轅鬪以角蚩尤人不能向今
冀州有樂名蚩尤戲其民兩兩三三頭戴牛角而相
抵漢造角抵戲蓋其遺製也

瘟疫之神部彙考一

周

周立方相氏掌設疫鬼
按周禮夏官方相氏在夫四人掌蒙熊皮黃金四目
元衣朱裳執戈揚盾帥百隸而時難以索室除疫
卽鄧錡曰陽勝則爲狂陰惡則爲疫在夫陽之太
過者也使之索陰惡之鬼亦厭勝之術半喜會曰
鬼神陰物狂夫四目元衣朱裳皆象陽氣以抑陰
氣

諸城門出郭而止儻者將出祀布神席當中門南向
出訖牽手齊躬臨牲餽之神席之西藉以席北首
齊躬酌清酒太祝受其祝史持版于坐右跪讀祝
文曰維某年歲次月朔日天子遣太祝臣姓名昭告
于太陰之神與奠版于席乃舉牲并酒饗於炤

瘟疫之神部彙考二

禮記

月令

季春之月命國維九門礮攘以畢春氣

難之事在周官則方相氏掌之製牲謂之礮除

謂謂之攘春者陰氣之終故礮攘以終畢厲氣也

舊說大陵八星在胃北主死喪昂中有大陵積尸

之氣氣伏則厲鬼隨之而行此月初日在胃從胃

歷辟故辟疫之事當于此時行之也

仲秋之月天子乃難以達秋氣

季春命國維以畢春氣此獨言天子難者此為

除過時之陽暑陽者君象故諸侯以下不得難也

暑氣退則秋之涼氣通達故云以達秋氣也

季冬之月命有司大難勞瘁出土牛以送寒氣

勞瘁謂四方之門皆披礮其牲以攘除陰氣不

但如季春之九門礮攘而已舊說此月日經虛危

司命二星在虛北司祿二星在司命北司危二星

在司祿北司中二星在司危北此四司者鬼官之

長又填四星在危東南填墓四司之氣能為厲鬼
將來或為災厲故難礮以攘除之

郊特牲

鄉人禘于朝服立于阼存室神也

禘強鬼也謂時雖索室殿疫逐強鬼也存室神

神依人也鄉人禘者庚云禘是強鬼之名謂鄉

人驅逐此強鬼孔子則身著朝服立于阼階之上

所以然者于時驅逐強鬼恐已廟室之神時有驚

恐故著朝服立于廟之阼階存安廟室之神使神

依己而安也

史記

封禪書

礮狗邑四門以禦蠱苗

案陸曰按樂彥云左傳血蟲為蠱蠱礮之鬼亦

為蠱故月令云大饗勞礮注云礮礮也厲鬼亦為

蠱將出害人旁礮千四方之門故此亦礮狗邑四

門也

瘟疫之神部藝文一

大疫上疏

臣竊見京師為害象所及民多病死有殘戶人人

恐懼朝廷惟心以為至憂臣官在於考覈災患在

防救未知所由夙夜征督臣聞國之大事在祀祀其

大於郊天奉祖于今道路流言食曰若安皇帝南巡

路崩從駕左右行應之臣欲徵諸國王子故不發喪

衣車還宮偽遣大臣泣請命臣慮外治不知其善

然得重見罔世能無怨且凡夫私小有不獨猶為議

論况以大穰用禮郊廟孔子曰會謂泰山不如林放

乎天地明察降禍見災乃其理也又聞者有司正以

冬至之後奏開恭設神道陛下至孝不忍逆逆或發

冢移尸月令仲冬土事無作慎無發蓋及起大衆以

因而開地氣上泄是謂發天地之房諸蠶則死民必

疾疫又隨以喪厲氣未息恐其始此二年欲使知過

改悔五行傳曰六沴作見若特共禦帝用不差神則

不怒萬福乃降用章于下臣愚以為可使公卿處議

所以陳術改過取福神祇自求多福也

說疫氣

建安二十二年瘟疫流行家家有僵尸之痛室室有

號泣之哀或闔門而殮或覆族而喪或以為疫者鬼

神口作夫罹此者悉被禍茹若之予荆室蓬戶之人

耳若夫殷虛鼎食之家重貂異錦之門若是者鮮焉

此乃陰陽失位寒暑錯時是故生疫而愚民懸符厭

之亦可笑也

逐伯強文

寶元二年予獨旅淮南嘗來言曰今茲歲多疫疫

予因作文以逐伯強伯強強也強為疫者故逐之

皇皇上天今后土洛洛厥生孫繁今其施甚薄陶陶

仲夏兮草木蕃蕪鳥獸草息今我民樂所我民孔靈

兮上帝是仁天子聖今百工日新上無貳政兮下無

悖人鄰里其集兮樂哉欣欣伯強何為兮執并以政

反世五福兮特極以令我民不怡兮既與其盛白黑

眩警兮執察其正謂善反天兮爾爾反病仁義無懷

兮苟且為幸嗟爾伯強兮其獨何心絕世和氣兮俾

民不任上天孔神兮大德曰生天不可畏聞兮民不

可久使天誅誠加兮安所避當公驅兮風伯浙隱爾
伯強兮何所詣南有蠻兮為寇兮通西羌我兮恃賴
自虞天子孔仁兮靡焉畢屠伯強在今代天伐誅嗟
中國兮不可久留子不去兮願創思予

瘟疫之神部藝文二

唐韓愈

諷瘧鬼

肩膊水帝魂謝無餘輝如何不肖子尚膏瘧鬼威
乘秋作寒熱翁嫗所罵謀求食嘔泄間不知臭穢非
醫師加百毒熏灌無停機灸師施艾炷酷若獵火圍
詛師毒口牙古作瘧飛符師弄刀筆丹墨交橫揮
吞汝之胃出門戶何處避祖軒而父項未沫于前微
不修其操行賤薄似汝穉豈不忝厥祖觀然不知歸
湛湛江水清歸居安汝妃清波為裳衣白石為門
呼吸明月光手掉芙蓉旂降集隨九歌飲芳而食菲
贈汝以好詞嘲汝去莫違

孟郊

絃歌行

驅僮擊鼓吹長笛瘦鬼染面惟齒白暗中翠草拽茅
鞭係足朱禪行威威相顧笑聲衝庭燎桃弧射矢時
獨叫

臘月邨田樂府

宋范成大

余歸石湖往來田家得歲暮十事採其語各賦一
詩以識風土號邨田樂府其四口數粥行臘月二

神異典

十五日羹赤豆作糜暮夜闔家同餐云能辟瘟氣

雖遠出未歸者亦留貯口分至穰穰小兒及重僕
皆預故名口數粥豆粥本正月望日祭門故事流
傳為此

家臘月二十五浙米如珠和豆羹大杓轉轉分口
數疫鬼聞香走無處盤置屑桂蕤煎糖滑甘無比勝
黃粟全家團圓飽飯在遠行人亦留分祿中孩子
強教膏餘波福沾復與城新元叶氣調玉燭天行已
過來萬福物無疵病年穀熟長向臘殘分豆粥

時儼

元吳棫

古人重儼疫時俗事禱穰穰欲改律與鬼浸繼從
厲神乃恣肆魃城并猖狂假僥幸成列巫覡陳禁方
虎頭眩金目元製炳赤裳桃弧藟苗疹豆陳幣舉剛
八直悉棄情六合高義張清軍信不害動靜維吾常
世途險隘整人慙更跳梁孤鼠賊介憤憂感諸香囊
煎熬到膏髓擊刺成疔瘡乘風作國書抵障為民殃
自從九鼎沒誰使百怪藏瘞瘵服瘴扇饑寒食開糧
蘆花散汝體像果饒吾腸地膚竟卷去天尊俱彫傷
神荼欲呀咬蠅木夏不長棠俱強顏貌枯竹無耿光
聖言謂近嚴五祀徒驚惶惜哉六典廢違此時儼章

瘟疫之神部選句

唐杜甫詩三年奄病瘧一鬼不銷亡
元顧瑛詩重張神氣駭瘧鬼

瘟疫之神部紀事

八閩通志陳昌有一女生于唐大曆二年嫁劉杞年
二十四而卒古田縣臨水有白蛇洞中產巨蛇時吐
氣為疫癘一日有朱衣神執劍索白蛇斬之鄉人詰
其姓名曰我江南下渡陳昌女也忽不見至往下渡
詢之乃知其為神遂為立廟于洞山凡晴雨陽驅疫
癘求嗣續莫不響應

玉堂閒話宋朱熹時有士人自雍之郿數舍遇天晴月
皎中夜而進行至曠野忽聞自後有車騎聲少頃漸
近士人避於路旁草莽間見三騎官帶如王者亦有
徒步徐行談話士人竊之數十步聞言曰今奉命往
郿州取數千人未知以何道而取二君試為籌之其
一曰當以兵取又一曰兵取難優其如君子小人俱
罹其禍何宜以疫取同行者深以為然既而車騎漸
遠不復聞其言士人至郿州則部民大疫死者甚衆
精神錄廣陵神將鄭守澄新買一小婢旬日有夜扣
門者曰君家神將其名籍在此婢忽病遂卒既而守
澄亦病卒而市客數人轉相告皆卒甲寅歲春也

異聞總錄呂文靖公宅在京師翰林巷募從數十遇時節朔望則昧旦共集于一處以須尊者之出文穆公之孫公雅年十八歲時當元日謹禮以卑幼故起太早命小妾持龍燈行前剪髮見數人立暗中奇形異服顯類世間鬼神相與語云待制來稍稍飲身向壁委驚仆而燈不滅呂徐掖起之自攜龍行諸鬼慌窘悉越壁而沒是歲一家皆染時疫惟呂獨無他後終微猷閣待制鬼蓋先知之矣

紹興六年餘干村民張氏家已斃牧童在牛圈聞有扣門者急起視之見壯夫數百輩皆披五花甲著紅兜鍪突而入既而隱不見及明圈中牛五十頭盡死蓋疫鬼云

紹興三十一年湖州漁人吳一因捕魚繫舟新城橋界民舍外夜過半開岸上人相語曰我曹寓是家已久當為去計移入此舟如何或應曰此乃魚艇爾又他處人何可登也明日東南上當有船來其中有兩朱紅合及赤泥酒數罇者是可隨以往渠乃兩人家親戚來相問訊又其家頗富足稱吾所需皆曰然言終而寂吳一怪之天欲明起訪其事乃此民舍正病疫所謀者鬼也遂徑往東南數里外曠泊將驗之果遇小舟來望其中物色同鬼言急呼止告以夜所聞大駭曰乃我婿家今正欲往視其病非君相救一家且入鬼錄矣盡以所攜酒炙為贈致謝而反

樂平耕民植稻歸為人呼出見數輩在外形怪惡叱令負擔經由數村曉歷洪源石村何術諸里每一村必先詣社神所言欲行疫皆拒却不聽怪黨自云然則獨有劉村劉十九郎家可往爾遂往徑入越廬

下客房宿無飲食枕席之具明日劉氏子出怪魅告其徒曰擊此人右足杖撻下子即仆地繼老嫗過之令擊左足嫗仆地連害三人矣然但守一房不浪出有偵者密白一虎從前躍而來其可畏魁色不動遣兩鬼持杖待之曰至則雙擊其兩足俄報虎斃於杖下經兩日偵者急報北方火作斯須間焰勢已及房山水又大至怪相視訝謂不服取行李單身奔奔耕民不致力推墮田坎中蹶然起則身乃在林臥妻孥環哭已三日鄉人訪其事于劉氏云云二子一婢同時疫困呼巫治之及門而死復邀至一巫巫懲前事欲掩鬼不備乃從後門施法持刀吹角誦水火輪呪而入病者即日皆安

旌異記慶元元年五月湖州南門外一婦人顏色潔白著皂弓鞋蹣跚獨行呼賃小船欲從何山路往易村既登舟未幾即偃臥自取葦席以蔽舟纔一葉展轉聲歎必相聞寂然無聲舟人訝焉舉席視之乃見小烏蛇可長尺許凡數千條蟠繞成聚驚惶流汗復以席覆之凡行六十里始抵岸乃扣船警之奮而起儼然人矣與初下船不少異腰間解錢二百為雇值舟人不敢受婦問其故曰我適見汝若此何敢受笑曰切莫說與人我從城裏來此行蛇道一箇月後知歸矣徐行入竹林數步而沒彼村居人七百家是夏死者大半初湖常秀三州自初夏疫癘大作湖州尤甚獨五月稍寧六月復然當是蛇婦再還也

遼齊間覽南人信巫有疫癘不召醫惟命巫使行呪禁辛巳年臨江大疫羣巫盡死餘人不治多自瘞然則俗巫豈足恃乎

瘟疫之神部雜錄

續博物志疫鬼小不能病巨人故曰壯士不病疫晉人曰君子不病瘧蜀人以瘧瘧為奴婢瘧俗好于門畫虎頭書導字謂陰司刀鬼召讀漢書史離運疫鬼又立桃人葦索滄耳虎等瘧瘧耳也辨惡論世俗以疾各鬼神者衆矣至疫氣流行則曰有主疾之神家至而戶守之妖由軍與互相媚惑是故病疫之家人皆備備焉無敢踵其門而問者甚而父子兄弟亦不相救傷風敗俗莫甚于斯故述此于死生之後以曉之

欽定古今圖書集成博物彙編神異典

第三十六卷目錄

冥司部紀事

冥司部雜錄

冥司部外編

神異典第三十六卷

冥司部紀事

搜神記漢下邳周式嘗至東海道逢一吏持一卷書求寄數行十餘里謂式曰吾暫有所過留書寄君船中慎勿發之去後式盜發視書皆諸死人錄下條有式名須臾吏還式猶視書吏怒曰故以相告而忽視之式叩頭流血良久吏曰感卿遠相載此書不可除卿名今日已去還家三年勿出門可得度也勿道見吾書式還不出已二年餘家皆怪之鄰人卒亡父怒使往弔之式不得已適出門便見此吏吏曰吾令汝三年勿出而今出門知復奈何吾求不見連累為轍杖今已見汝無可奈何後二日市中富相取也式還涕泣具道如此父故不信母晝夜相守守至三日日中時果見來取便死

錄異記袁起者後漢時相中人在鄉忽醉三日始醒起吐皆聞酒氣自云起與天人共飲後任漢陽令逆說豐儉有驗白日判陽夜判陰忽乘雲而上天不知所在

博物彙編神異典第三十六卷冥司部

隋書韓擒虎擒字子通河南東垣人也後家新安擒少慷慨以膽略見稱容貌魁岸有雄傑之表周拜都督新安太守稍遷儀同三司襲爵新義郡公高祖進位上柱國別封壽光縣公食邑千戶以行軍總管屯金城即拜涼州總管俄徵還京上宴之內殿恩禮殊厚無何其鄰母見擒門下儀衛甚盛有同王者母異而問之其中人曰吾來迎王忽然不見又有人疾驚忽驚走至擒家曰我欲謁王左右問曰何王也答曰閻羅王擒子弟欲捷之擒止之曰生為上柱國死作閻羅王斯亦足矣因寢疾數日竟卒時年五十五

滑縣志韓擒虎墓在小韓村有閻羅王廟乎濟王即韓擒虎一名敬顯王廟在縣東北七十里小韓村

廣輿記張仁直幼時貧乏恆在東都北市寓居有閻庚者馬牙荀子之子也好善自喜慕仁直之德恆瀛父貧以給其衣食亦累年矣荀子每怒庚云汝商販之流彼才學之七于汝何有而說產以奉仁直聞其辭謂庚曰坐我累君今將適詣白鹿山所勞相資不敢忘也庚久為仁直賓附之友心不忍別謂仁直曰方願志學今欲偕行仁直奇其志許焉庚乃私備驢馬糧食同去六日至陳留宿逆旅仁直舍其內房房外有牀久之客外至坐于牀所仁直見其瞻視非凡會庚自外持酒至仁直以酒先賜客客不敢受固屬之因與合飲酒酣歡甚乃同房而宿中夕相問行李客答曰吾非人乃也曹州地府令主河北婚姻糾男女卿仁直聞視其衣裝見袋中細繩方信焉因求問已來位年若鬼言竟年八十餘位極人臣復問庚鬼云命官無位事曹州何以故之鬼云或許四

佳女配之有相當能得耳今河北去白鹿山百餘里有一村中王老女相極貴項已許與人訖當相為解彼辭此以成閨侯也第遠行欲至其村當有大雨滂濕以此為信因決去仁直與庚行六七日至村遇大雨衣裝濕汗乃至村西求王氏舍為款門久之方出謝客云家有小不得意所以遲遲無訝也仁直問其故云云唯一女先許適西村張家今日納財非意寡此乃相輕之義已決罷婚矣仁直等相顧微哂而數日主人極歡仁直乃云閨侯是已外弟盛年志學未結婚姻主人辭以田舍家然有喜色仁直問東方許焉以馬驢及他畜為贄數日成親畢留閨侯止王氏仁直獨往主人贈送之其後數年仁直還待御史并州長史御史大夫知政事後庚累過提挈竟至一州

開元中洛陽令楊場常因出行見槐陰下有上者令過端坐自若伍百詞使起遲不動場令散手拘至廳事將捶之躬自責問術者舉首曰君是兩日縣令何以責人場問其事曰兩日後君當命終場甚愕問何以知之術者具告所見舉家驚懼謂術者曰子能知之必能禳之若之何而免也場再拜求解術者曰當以君之聞見以衛執事免之與否未可知也乃引場入東院亭中令場被髮跣足覆面而立已則據案而書符中父之復喜謂場曰今夕且幸免其即來明日可以二十張紙作錢及多造餅饌與燈酒出定鼎門外桑林之間俟人過者則飲之早暮右袒即召君之使也若留而飲飲者其無憂不然實難濟君亦宜易夫服處小室以伺之善為辭謝問以所欲予之策

古今圖書集成

盡於是矣。瑒如其言。泊日西景。酒將罄而早寒不至。瑒深以爲憂。須臾遂至。使人邀屈早寒。欣然舉有。所適。瑒乃拜謁。人云。君昨何之。數至所居。遂不復見。疑於東院。安處善神。監護不敢犯。今地府相招。未已。奈何。瑒再拜求教者。千數。就焚紙錢。資其行。用鬼云。嚴施大惠。明日當與府中諸吏同來。謀之。宜盛候。相待。言訖不見。明日。瑒設供帳。極諸海陸。候之。日晚。使者與其徒數十人。同至。宴樂殊常。浩暢相。瑒曰。楊長官。事瑒得不盡心。耶久之。聞瑒對坊。楊錫亦有才幹。今指王作金。以取彼君至。五更鼓聲動。宜於錄門相候。若聞哭聲。君則免矣。瑒如其言。往見鬼。便在樹頭。欲往。錫舍爲狗所昨。未能得前。俄從轅轅中入。逕還。聞哭聲。瑒遂復免。

靈怪錄。李令問。開元中。爲秘書監。左遷集州長史。令問好。厭玩。飲饌。以奢。聞於天下。其喪。靈。靈。之。屬。慘。毒。取。味。天下。官。服。饌。者。莫不。祖。述。李。監。以。爲。美。談。令問。至。集州。染。疾。久之。漸。篤。刺史。以其。名。士。兼。是。同。宗。愼。令。夜。開。城。門。縱。令。問。家。人。出。入。刺。史。之。子。嘗。夜。與。奴。私。出。遊。至。城。門。遙。見。甲。仗。數。百。人。隨。一。火。車。當。街。而。行。驚。曰。不。聞。有。兵。何。得。此。輩。意。欲。馳。告。父。且。復。伺。其所。之。尋。而。已。至。城。濠。火。車。從。水。上。過。會。不。漬。滅。方。知。是。鬼。走。投。其。門。已。閉。不。得。歸。遂。奔。令。問。門。中。處。之。既。入。火。車。亦。至。令。問。中。門。外。其。子。雖。恐。懼。仍。竊。窺。之。忽。聞。堂。中。十。餘。人。誦。經。甲。仗。等。遲。遲。見。久。有。一。朱。水。鬼。徑。三。叩。關。聲。如。蓬。蓬。聲。未。絕。火。車。移。上。堂。階。遙。見。燈。火。清。靜。尚。有。十。餘。人。侍。疾。朱。衣。鬼。又。扶。意。橋。其。聲。如。前。令。問。左。右。者。皆。走。散。鬼。自。門。持。令。問。出。送。

擲於火車中。華鬼擁之而去。其子還。余述其事。制史明日。令人問。疾。令。問。家。中。餘。口。無。敢。起。者。使者。呼。呼。方。出。云。昨。夜。被。驚。至。今。最。懼。未。已。令。問。戶。爲。鬼。所。擲。在。堂。西。北。隅。重。牀。之。下。家。人。乃。集。而。哭。焉。

紀。開。京。北。人。劉。子。貢。五。月。二。十。二。日。因。病。無。辜。明。日。乃。蘇。自。言。被。錄。至。冥。司。同。過。者。十。九。人。官。名。二。人。出。木。括。其。頭。加。釘。錄。焉。命。繫。之。曰。此。二。人。罪。重。當。餘。者。且。釋。去。又。引。子。貢。問。曰。此。爲。何。處。人。曰。此。皆。地。獄。也。緣。同。光。王。生。故。休。罪。人。七。日。此。中。受。罪。者。暫。停。若。遇。其。鼓。作。罪。人。受。苦。可。驚。駭。耳。目。子。貢。繫。于。離。江。縣。令。蘇。元。宗。見。元。宗。於。途。問。之。曰。丈。人。在。生。好。善。何。得。在。此。元。宗。曰。吾。前。生。有。過。故。留。然。事。已。解。今。將。生。天。不。久。矣。又。問。二。子。先。死。者。何。在。長。者。應。而。信。死。便。生。天。少。兒。賊。而。殺。見。在。地。獄。又。遇。鄰。人。李。韓。韓。曰。君。爲。傳。語。吾。兄。吾。生。前。坐。罪。大。被。拘。留。爲。吾。造。觀。世。音。菩。薩。像。一。寫。妙。法。蓮。華。經。一。部。則。生。天。矣。又。遇。其。父。慎。慎。曰。吾。以。同。光。王。生。故。得。假。在。外。不。然。每。日。受。罪。苦。不。可。言。坐。吾。彈。殺。鳥。獸。故。每。日。被。牛。頭。獄。卒。燒。鐵。彈。數。千。其。色。如。火。破。吾。身。皮。數。十。道。納。熱。彈。其。中。痛。楚。不。可。忍。又。見。身。存。者。多。爲。鬼。子。貢。以。二。十。三。日。生。生。七。日。至。二。十。九。日。又。殂。遂。不。活。

風。幽。記。皇。南。陶。字。君。和。開。元。中。授。華。州。參。軍。暴。亡。其。魂。神。若。在。長。衢。路。中。夾。道。多。槐。樹。見。數。吏。推。尊。陶。問。之。答。曰。五。道。將。軍。常。于。此。息。焉。陶。方。悟。死。耳。嗟。歎。而。行。忽。有。黃。衣。吏。數。人。執。符。言。天。曹。追。逐。驅。迫。至。一。處。門。關。甚。崇。似。上。東。門。又。有。一。門。似。尚。書。省。門。門。衛。極。衆。方。引。入。一。吏。曰。公。有。官。須。別。通。且。伺。務。際。耳。陶。拱。

立。候。之。須。臾。見。街。中。人。驚。聲。聲。易。俄。見。東。來。數。百。騎。戈。矛。前。擊。陶。匿。身。牆。門。以。覓。新。近。見。一。老。姥。擁。大。蓋。策。四。馬。從。騎。甚。衆。陶。細。視。之。乃。其。親。叔。母。薛。氏。也。陶。遂。趨。出。拜。伏。自。言。姓。名。姓。姓。馬。問。陶。是。何。人。都。不。省。記。陶。即。稱。小。名。姥。乃。喜。曰。汝。安。得。來。此。陶。以。實。對。姥。曰。子。姪。中。惟。爾。福。最。隆。來。當。誤。耳。且。吾。近。充。職。務。苦。馳。驅。汝。就。府。相。見。也。言。畢。遂。過。巡。判。官。務。陳。命。人。見。一。衣。冠。昂。然。與。之。承。迎。陶。哀。祈。之。謂。陶。曰。足。下。賜。中有。功。德。否。陶。對。曰。有。之。悅。而。笑。曰。此。非。妄。語。之。所。願。左。右。曰。喚。陶。到。家。來。陶。甚。惶。懼。忽。聞。疾。報。聲。王。有。使。者。來。判。官。遂。趨。出。拜。受。命。陶。覓。之。見。一。閹。人。傳。命。舉。方。去。判。官。拜。送。門。外。却。入。謂。陶。向。來。大。使。有。命。言。足。下。未。合。來。所。司。誤。耳。足。下。自。見。大。使。便。可。歸。也。數。更。引。去。西。行。三。四。里。至。一。府。郡。姓。旗。擁。門。陶。被。命。入。仰。視。乃。見。叔。母。據。大。殿。命。上。令。坐。陶。俯。伏。而。坐。羽。衛。森。然。旁。有。一。僧。跌。蹠。寶。座。二。童。子。侍。側。陶。亦。理。揖。叔。母。方。叙。平。生。委。曲。親。族。海。內。以。仁。義。之。道。陳。報。應。之。事。乃。曰。兒。豈。不。聞。地。獄。乎。此。則。其。所。也。須。一。觀。之。叔。母。顧。曰。僧。願。導。引。此。兒。僧。遂。整。衣。而。命。陶。從。我。陶。隨。後。行。比。一。二。里。遙。望。黑。風。自。上。層。下。墜。漲。不。見。其。際。中。有。黑。城。飛。焰。赫。然。漸。近。其。城。其。黑。氣。即。自。去。和。尚。丈。餘。而。開。至。城。門。即。自。啓。其。始。入。也。見。左。右。罪。人。初。剝。皮。吮。血。吹。刺。糜。碎。其。叫。呼。怨。痛。宛。轉。其。間。莫。究。其。數。楚。毒。之。聲。動。地。陶。震。怖。不。安。求。還。又。北。望。一。門。熾。然。炎。火。和。尚。指。曰。此。無。開。門。也。言。訖。欲。歸。忽。聞。火。中。一。人。呼。陶。陶。視。之。見。一。僧。坐。鐵。牀。頭。上。有。鐵。釘。釘。其。腦。流。血。至。地。細。視。之。是。陶。門。徒。胡。僧。辨。也。驚。問。之。僧。曰。

生平與人及公飲酒食肉今日之事自悔何及君今
隨和尚必當多福幸垂救曰何以奉救僧曰寫金光
明經一部及于都市爲造石幢某方得作衛生耳恂
恂而語之遂迎至殿具言悉見叔母曰努力爲善自
不至是又曰兒要知官爵否恂曰願知之俄有黃衣
抱案來放于座下登視之見京官至多又一節言太
府卿貶綿州刺史其後掩之吏曰不合知矣遂令二
人送恂歸再拜而出出門後問二吏姓氏一姓焦一
姓王相與西行十餘里有一羊三足截路吼恂恂曰
我待爾久矣何爲割我一脚恂實不省且問之羊
曰君某年日向某縣尉廳上誇能割羊脚其時無
羊少府打屠伯屠伯活割我一脚將去我自自此而
吾由爾而天恂方省之乃昇詞以謝焦王二吏亦同
解紛羊當路立恂不得去乃謝曰與汝達功德可乎
羊曰速爲我寫金剛經許之羊遂喜而去二吏又曰
幸得奉送亦須得同幸惠各乞一卷並許之更行里
餘二吏曰某只合送至此郎君自尋此還更一二里
有一賣藥店店傍斜路百步已下則到家矣遂別去
恂獨行苦困渴果至一店店有水甕不見人恂竊取
藥飲忽有一老翁大叫怒持刀以赴焉云盜飲我藥
恂大懼却走翁甚疾來恂反顧忽陷坑中恍然遂活
而殮檢中死已五六日既而妻覺有變發視之綿綿
有氣久而能言令急寫三卷金剛經其夜忽聞敲門
聲有風窸窸然空中朗言曰焦某王某蒙君功德今
得生天矣舉家聞之更月餘胡辦辦自京來恂異之
而不復與飲其僧甚恨恂于靜處略爲說與中見師
如此師不爲之信既而去至信州忽患瘡瘡宿昔

潰爛困篤僧曰詢言其神乎數日而卒恂因爲市中
造石幢幢工始畢其日市中未生六子五色白者諸
幢環繞數日我困而卒今轉見存焉恂後果爲太府
卿貶綿州刺史而卒
廣異記開元末東京安宜坊有書生夜中閉門讀書
門隙中忽見一人出頭問何輩答曰我是鬼鬼欲
相就因邀書生出門書生隨至門外畫地作十字因
衛前行出坊至寺門鋪書生云寺觀見阻必不得度
鬼言但隨我行無苦也俄至定鼎門內鬼書生從
門隙中出前至五橋道傍一家天窻中有火光鬼復
負書生上天意側俯見一婦人對病小兒啼哭其夫
在傍假寐鬼遂透下以手掩燈婦人懼呵其夫云兒
今垂死何忍貪臥適有惡物掩火可強起明燈夫起
添燭鬼迴避婦人忽取布袋盛兒兒猶能動於布袋
中鬼遂負出至天窻上棄負書生下地送入定鼎門
至書生宅謝曰吾幸地下處分取小兒事須生人作
伴所以有此煩君當可恕之言訖乃去其人和鬼鬼
行所止之處錄書十字翌日引其兄弟覆之十字皆
驗因至失兒家問之亦同
岐州佐史雷因事至京停輿道里忽見二人及一無
頭人來云云今追已佐史知其鬼因問君在地下誰
何職掌云是捉事佐史謂曰幸與諸君臭味頗同能
相救否事了當奉萬張紙錢三人許諾期後五日若
不復來者即是事了其錢可至天門街燒之至五日
不來史乃燒錢畢因移居崇仁里後京中事了西還
岐州至杏樹村復逢二人問何所來道于黃處相訪
不得所處分事已得免勞致財財地所由已給永年

博物彙編神異典第三十六卷異聞部

優復陳非大期至更無疾病耳
異聞錄唐漢守南蠻書爲人言至德中有調選得
同州督郵者姓崔有青袍人未知其姓字因相揖偕
行徐問何官青袍人云新授同州督郵崔云某新授
此官豈不錯悞乎青袍人笑而不答又相與行悉云
赴任去同州數十里於斜路中有官吏拜迎青袍人
謂崔君曰君爲陽道錄事某爲陰道錄事路從此別
豈不相送耶崔生異之即與連轡入斜路遂至一城
郭街衢局署亦甚壯麗青袍人至廳與崔生同坐受
謁通胥徒僧道等訖次通辭訟囚崔生大驚謂青
袍人曰不知拙室何得至此青袍人即避入案後令
崔生自與妻會妻云被追至此已至數日君宜哀請
錄事耳崔生即祈求青袍人青袍人因令胥吏促放
崔生妻令崔生試問妻犯何罪至此青袍人曰君
寄家同州亡人皆聽勸過蓋君管陽道錄事崔生
淹留半日即請却回青袍人命胥吏等拜送曰雖陰
陽有殊然俱是同州也可不拜送督郵故青袍人亦
郊饒送再三勸款揮袂又令斜路口而去崔生至同
州問妻子妻子病七八日冥然無知神識不主今纔
得一日崔贈記之恰放同日也妻不記陰道見崔生
言之甚如惺如夢亦不審記憶也
通幽錄大曆四年歲次庚申海與從叔續客于吳夜
就主人飲飲甚大醉醉屬首散而續大吐甚困更深
無救者獨仲海侍之仲海性孝友悉篋中之藥物以
護之半夜續亡仲海悲慟伺其心尚熾計無所出忽
思禮有招魂望反諸幽之旨又先是有力士說招魂
之驗乃大呼續名連聲不息數聲而續蘇而能言曰

輒呼救我即問其狀答曰我前被數吏引官邸中令趨迎問其名乃稱尹遂趨至宅門開其轎車馬輒盛引入尹迎勞曰然道如何常思某日被酒醉思忽承及止茂澤難申故事迎耳乃進入衙竹亭坐客人皆未素相識而坐左右道酒醉醉臥於地某乘其意且洽都忘行李之事中宴之際忽聞兩聲衆乘齊奏心轉已眩前行無數者始忘之俄頃又聞兩聲聲且悲我心惘然如是數四且心不便請辭主人苦留吾告以家中有急主人暫放我來當或續請投吾職事吾向已許諾及到此方知是死若不呼我都不忘身在此吾始去也宛然如夢今但畏再命爲之奈何仲海曰情之至隱復無可行前事既驗當復執用耳因從香滿嘆以備之言諱之際忽然又沒仲海又呼之聲且哀最急切直至欲明方蘇曰還領爾呼我我向前復飲至於酣暢坐察得醉主人方教文牒官我職聞兩聲聲哀厲依前惘惘主人訝我不怡又暫乞放者再三主人笑曰大奇遂放我來今去而未決難與陰物向息又聞鬼神不越離吾與爾逃之可乎仲海曰上計也即具舟楫道併行而愈

追其入曰某職主召現未省追于因思之曰嘻誤矣所追者非追君也乃兗州金鄉縣尉某也追叱吏送之歸某既喜得返且持其故人因求其職審其人不得已辭謂一吏引於別院立泛於門吏入持一丹筆來書其左手曰前楊復後楊後楊年年張七月之節歸元卿泛出前所追吏亦送之既體具還其事沙門法一好異事盡得其寶因傳之後六年以調授太原陽曲縣主簿秩滿至京師適遇所親與職便使者遂薦爲楊子縣選官在職五年建中元年六月二十八日將赴選以暴疾終於廣陵旅舍其日乃立秋日也

西陽雜俎李公佐大厝中在廬州有舊吏王庚請假歸夜行郭外忽值引騎呵辟書吏遂映大槐窺之且怪此無尊官也導騎後一人紫衣儀衛如節使後有車一乘方渡水御者前白車鈎索斷紫衣者言檢簿遂見數吏檢簿曰合取廬州某里張某妻脊筋乃書吏之嫌也頃刻吏回持兩條白物各長數尺乃渡水而去至家城向無恙經宿忽患瘧疾半日而卒

續元性錄岳州刺史李復舉進士連不中第貞元二年有故人國子祭酒包信者過於主司援成之榜前一日當以名聞執政初五更復將候信里門未開立馬門側傍有賣糕者其氣馥郁有一吏若外郎之郵微者小囊既相坐於其側頗有欲糕之甚復爲買而食之客甚喜啗數斤俄而里門開衆競出客獨附後馬曰願請問後下聽之曰某乃某之吏送進士名者君非其徒耶復曰然曰送堂之榜在此可自尋之因出視後無名垂泣曰苦心筆硯二十餘年倍計者亦十年今復無名豈終無成乎曰君之成名在十年之外祿位甚盛今欲求之亦非難但於本祿耗半且彘也制復後一郡如何復曰所求者名名得足矣客曰能行少賄於其吏即於此取其同姓者易其名可乎復問幾何曰曰陸錢三萬貫某感恩而以誠告其錢非某敢取將適屬東來日午時送可也復授筆使復自注從上有故太子少師李夷簡名役故摺之客遽曰不可此人祿重未易動也又其下有李溫名客曰可矣乃指去溫字注役字客遽奪而行曰無違約既而後諸信估未冠聞復來怒出曰吾與主司分深一官狀頃可致公何驟甚頻見問吾其輕語者耶復再拜對曰役困於名者思決此一朝今當呈榜之晨冒貴奉謁信唯唯色猶不平役愈憂之乃變服伺信出隨之繼皇城東北隅逢春官懷其榜將赴中書信揖問曰前言迷否春官曰誠知獲罪負刺不足以謝然迫於大權難副高命信自以交分之深意謂無阻聞之怒曰李布所以名重天下者能立然諾今君移妾於某蓋以其官閑也平生交契今日絕矣不揖而行春官遽追之曰迫於豪權爾之不得爾特深願外於形骸見貴如此寧得罪於權右耳請同尋榜指名填之祭酒開榜見李公夷簡欲指春官急曰此人字相處分不可去指其下李溫曰可矣遂指去溫字注役字及榜出役名果在己前所指處其日午時應衆參謝不及赴糕客之約迫暮將歸適逢糕客並示之背曰爲君所悞得杖矣願吏將衆勸某更他所共止之其背實有重杖痕復驚謝之且曰當如何客曰來日午時送五萬緡亦可無追迫之厄役曰諾及到時焚